



ОБОДЛИК КЎНГИЛДАН БОШЛАНАДИ

ҲАШАР — ҚАДИМИЙ ВА ЭНГ ГЎЗАЛ ҚАДРИЯТ

Халқимизда миллати, динидан қатъи назар, катта-ю кичикнинг бошини қовуштириб, эзгу ишларга даъват қиладиган урф-одатлар, анъаналар кўп. Улар орасида энг қадимийси, энг ибратлиси ҳашардир.

Янги иморат кураётган, боғ яратётган, тўй-маърака қиладиган кишига кишлоқ ёки маҳалла аҳлининг ёрдамга келиши, турмуши нозорат қилувчиларнинг ҳовли-жойи кўни-кўшилар ёрдамида таъмирланиб, томларнинг сувлиши азалдан бор.

Замонлар синиқидан ўтган ушбу анъана истиклол йилларида янги-ча мазмун ва жилов касб этди. Энди ҳашар кишлоқ ва маҳалла ҳудудидан чиқиб, бутун мамлакатга ёйилди. Биргина ўзбек халқининг эмас, шу заминда яшайётган барча эл ва элатларнинг турмуш тарзига, миллатлараро тотувлиқни, ўзаро ҳурмат ва меҳр-оқибатни мустаҳкамлашга хизмат қила бошлади.

Натижада юртимиз боғ-роғларга бурканиб, шаҳар ва кишлоқларимиз обод ва саришта масканларга айланиб кетди. Ҳовлилар, кўчалар, йўл ва йўлакларнинг, ҳибонларнинг, жамоат жойларининг озодлиги ва атроф-муҳитнинг музаффолиги эса инсонлар соғлиғи-

ни асраб-авайлашнинг, мустаҳкамлашнинг омилига айланди.

Жорий йилнинг 12-13 март кунлари республикамизнинг барча ҳудудларида бўлиб ўтган ва ўн саккиз миллиондан ошдиқ юртдошларимиз қатнашган умумхалқ хайрия ҳашари туфайли бутун мамлакат яна бир бор ободонлаштирилди, кўрам-лаштирилди. Юртимизнинг барча шаҳар ва кишлоқлари, кўча ва ҳибонлари, аҳолининг ҳовли-жойларига кўп-кўп айём — Наврўзи олами кўтиб олишга ва нишонлашга шай қилиб қўйилди.

Ҳашар кунлари қирқ уч минг гектардан ортиқ майдонларнинг ободонлаштирилиб, йигирма етти минг километр узунлиқдаги ариқ-зовурларнинг тозаланиши юртдошларимизнинг ўзлари яшайётган ва ишлаётган ҳудудлардаги атроф-муҳитни соғломлаштиришга нечоғлиқ катта ҳаёмиёт бераётганининг далилидир.

Шу кунги экилган йигирма икки миллион тупдан зиёд мева ва манзарали дарахтлар, ўн тўрт



ЎЗА олган суратлар.

миллион тупдан ортиқ гул кўчалари эса диёримизни ям-яшил довдарахтларга, анвойи гулларга буркаш йўлидаги яна бир қадам бўлди.

Умумхалқ ҳашари кунги маҳаллалардаги уч юзга яқин маиший хизмат кўрсатиш ва савдо шохбоналари, спорт иншоотлари, «Гўзаллик салонлари», гузарлар ва болалар спорт майдончаларининг қуриб битказилгани эса халқимиз қалбидидаги бунёдкорлик руҳининг юксалигидан далolatдир.

Ушбу тадбирнинг умумхалқ хайрия ҳашари, деб аталишида ҳам катта ҳикмат бор. Шу кунги юзлаб

уруш ва меҳнат фахрийларининг, кам таъминланган ва боқувчисини йўқотган оилаларнинг уй-жойлари таъмирланди. Саховат ва Муруват уйларида яшовчилар, Меҳрибонлик уйлари тарбияланувчилари, имконияти чекланган фуқаролар, эҳтиёжманд хонадонлардан хабар олинди, моддий ёрдам кўрсатилди. Бу эътибор ва ғамхўрликдан юзлаб кишиларнинг ўқис кўнгли тоғдай кўтарилди.

Бу ишлар партияимизнинг дастурий гоёлари билан бевосита боғлиқлигига ҳам эътибор қаратишимиз лозим.

Энг муҳими, ҳашардан тушган маблағлар яна бир олижаноб мақсадга — «Маҳалла» жамоат фонди орқали ижтимоий муҳофазага муҳтож оилалар ва фуқароларни моддий жиҳатдан қўллаб-қувватлаш, жамоат жойларини ободонлаштиришга сарфланади.

Бир сўз билан айтганда, хайрия ҳашари Наврўз айёми сингари юртимизнинг ободлигига, элимизда яхшиликларнинг янада кўпайишига хизмат қиладир.

Бахтиёр РИЗАЕВ,
«Ўзбекистон овози» мухбири.

МУНОСАБАТ

Кечагидек ёдимда. Президентимиз 1998 йилнинг 5 декабрь кунги Конституцияимизнинг 6 йиллигига бағишланган тантанали маросимда 1999 йилни мамлакатимизда Аёллар йили, деб эълон қилар экан, биз — аёлларни «Ҳаётимизнинг чироғи, умримизнинг гули», дея эъзозлаган, улуғлаган эди.

«Ҳаётимизнинг чироғи, умримизнинг гули»

хотин-қизларга кўрсатилаётган юксак эҳтиром бизни фидойиликка ундайверади

Йиллар ўтди. Юртимизда аёлни улуғлаш муқаддас тушунчага айланди ва у оилани, Ватанини, ҳаётни шарафлаш даражасига кўтарилди. Биз буни ҳар кун, ҳар соат ҳис этиб яшаймиз. Аввало, мамлакатимизда хотин-қизларнинг оиладаги, давлат ва жамият қурилишидаги ўрни кучайди, уларнинг ҳуқуқий, ижтимоий,

иқтисодий ва маънавий манфаатларини ҳимоя қилиш тизими яратилди. Бугун аёлларимиз давлат ва жамият бошқарувида, ижтимоий-сиёсий ҳаётимизда ва яна бошқа соҳаларни ислоҳ қилишда фаол иштирок этишяпти.

► Давоми 2-бетда.

ЎЗХДП МАҲАЛЛИЙ КЕНГАШЛАРИДА

Билимли ва иродали ИНСОН ҳеч қачон адашмайди

Ўзбекистон ХДП Тошкент вилоят кенгаши «Юртимизда тинчлик ва осойишталикни сақлашга ҳар биримиз масъулмиз» мавзусида давра суҳбати ўтказди. Янгийўл туманида бўлиб ўтган мазкур тадбирда Олий Махлис Қонунчилик палатаси ҳамда маҳаллий Кенгаш депутатлари, вилоят ички ишлар бошқармаси масъуллари, Имом Бухорий номи Тошкент ислом институти ўқитувчилари ҳамда жамоатчилик вакиллари иштирок этди.

► Давоми 2-бетда.

ВАТАН ҲИМОЯСИ — МУҚАДДАС БУРЧ



МАРД ЎҒЛОНЛАР ҚАСАМЁДИ

Тошкент олий ҳарбий-техник билим юрти бошлиғи

Х.Маматов ва бошқалар Президентимиз раҳнамолигида Қуролли Кучларимиз тизимида амалга оширилаётган изчил ислохотлар юксак самаралар бераётгани, ёшларнинг муддатли ҳарбий хизматни муносиб ўташи учун барча шароит яратилганини таъкидлади.

Аскарлар халқи, Президент ва Ватанига садоқат би-

лан хизмат қилишга тантинали қасамёд қилди.

— Ҳарбий либос кийганимда Ватанимиз тинчлигини осойишталигини таъминлаш учун зиммамга катта масъулият юкланганини англаб етдим, — дейди оддий аскар Шаҳзод Набиев. — Қасамёд қабул қилганимиз масъулият ҳиссини янада кучайтирди. Бурчимни муносиб адо этиш, билдирилган юксак ишонч-ни оқлашга ҳаракат қиламан.

— Фарзандининг қасамёд қабул қилиши ота-она ҳаётидаги унутилмас воқеадир, — дейди кўҳонлик Нафиса Мирзақулова. — Бугун ўғилларимиз Ватан ҳимоячилари сифатида мустақил ҳаётга қадам қўйди.

Тадбир якунида намоийш этилган концерт дастури йиғилганларга байрамона кайфият улаштирди.

М.ҚАРШИБОВЕВ,
ЎЗА мухбири.

ЭЪТИРОФ

Хартли Бут:

«Ўзбекистон ўз олдига қўйган барча стратегик вазифаларни изчиллик билан амалга оширмоқда»

Ўзбекистон Республикаси Президенти Ислам Каримовнинг мамлакатимизни 2015 йилда ижтимоий-иқтисодий ривожлантириш якуналари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузаси Буюк Британия экспертлар ҳамжамиятида ҳам катта қизиқиш уйғотди. Жумладан, «Британия — Ўзбекистон жамияти» раиси давлатимиз раҳбарининг мазкур маърузаси юзасидан ўзининг қўйидаги фикр-мулоҳазаларини баён этди:

— Ўзбекистон билан яқин ҳамкорлигимиз мавжудлиги боис, кўп йиллардан бери мамлакатнинг замонавий ривожланишидан воқиф бўлиб келмоқдамиз. Жаҳонда мураккаб геосиёсий ва иқтисодий жараёнлар кечаётган бўлишига қарамай, Ўзбекистон рақобатбардош ва диверсификациялашган иқтисодиётга асосланган замонавий демократик давлатни барпо этиш йўлидан оғишмай олдинга қараб ҳаракатланмоқда.

Дунёда бундай мақсад йўлида ҳаракат қиладиган мамлакатлар талайгина, бироқ Ўзбекистоннинг ўзига хослиги шундаки, кейинги йиллар давомида ижтимоий-иқтисодий ривожланишда салмоқли муваффақиятларни қўлга киритган бўлишига қарамай, мамлакат бўй-юналишдаги жараёни изчил давом эттирмоқда.

Сўнги ўн йил мобайнида Ўзбекистонда иқтисодий ўсишнинг барқарор суръатлари сақланиб келаяётгани 2030 йилга бориб мамлакатда ялпи ички маҳсулот ҳажмининг камидан 2 баробар ошириш имконини беради. Бу глобал иқтисодиёт ривожланиши таъминловчи ҳисобга олинган ҳамда мамлакат ривожланишининг ҳолати ва истикболлари аниқ-равшан баҳоланган ҳолдаги стратегик режалаштиришдир.

Менимча, Ўзбекистонда ўтган йили давлат раҳбари ташаббуси билан бошланган давлат корхоналарини хусусийлаштириш дастури, шу жумладан, давлат активларини хусусийлаштириш, аввало, чет эллик инвесторларга сотиш вазифалари қўйилгани ўз вақтида ташланган қадамдир. Иқтисодиётнинг айрим тармоқларида давлат иштирокини қисқартириш ва корпоратив бошқаруving замонавий таъминловчи қўллаш бозор иқтисодиёти шароитида компанияларнинг рақобатбардошлигини оширишга кўмаклашди.

Яна бир муҳим жиҳат. Ўзбекистонда мулкчилик тизимини тубдан ўзгартириш бўйича ишлар хусусий мулк ҳимоясини кафолатлайдиган ҳамда бизнесни ривожлантириш учун маъмурий тўсиқларни бартараф этиш юзасидан қонунчилик заминини такомиллаштиришдек мажмуавий чора-тадбирлар билан бирга олиб боришмоқда. Шуниси аёнки, республика раҳбарияти тадбиркорлар фаолияти учун қўлай шароитларнинг яратилиши соғлом иқтисодиётнинг гарови ҳамда аҳоли фаровонлигини оширишнинг муҳим омили эканлигини жуда яхши билади.

Кўпгина мамлакатларда ишлаб чиқаришнинг пасайиши ва истеъмолчиликнинг қисқариши кузатилаётган ҳозирги пайтда Ўзбекистон кенг қўламдаги sanoat ва инфратузилма қурилишини, жумладан, чет эл сармояси иштирокидаги бунёдкорлик ишларини ишонч билан давом эттирмоқда. 2015 йилда умумий қиймати 7 миллиард 400 миллион доллар бўлган 158 та йирик ишлаб чиқариш объекти қурилиши якунлангани ва фойдаланишга топширилгани мамлакат иқтисодиётининг соғлом эканлигидан далolat беради.

Шу билан бирга, 2015 — 2019 йилларда муҳандислик-коммуникация ва йўл-транспорт инфратузилмасини модернизация қилиш ва ривожлантириш дастури доирасида автомобиль йўлларини қуриш ва реконструкция қилиш, темир йўллар тармоғини янада ривожлантириш бўйича амалга оширилаётган кенг қўламдаги ишлар ҳам катта эътиборга сазовордир.

Мухтасар қилиб айтганда, Ўзбекистон ўз олдига қўйган барча стратегик вазифаларни изчиллик билан амалга оширмоқда.

«Жаҳон» АА,
Лондон.

ДЕПУТАТ СЎРОВИ ВА НАЗОРАТИ

МУНОСАБАТ

Давлатимиз раҳбарининг Халқаро хотин-қизлар куни муносабати билан бизга йўлланган байрам табригида ҳам ана шу жиҳатларга алоҳида эътибор қаратилди. Табрикда таъкидланганидек, қанчадан-қанча опсингилларимиз Олий Мажлис Қонунчилик палатаси ҳамда маҳаллий Кенгашларда хотин-қизлар манфаатларини ҳимоя қилиш, оналик ва болаликни асраш ишларида ўз ўрни, позициясини намоён этишмоқда. Жамият ҳаёти, мамлакат тараққиёти йўлида таълим-тарбия, маданият ва илм-фан соҳаларида меҳнат қилаётган ходимларнинг 73 фоизини, соғлиқни сақлаш тизимида 75, ишлаб чиқариш тармоқларида 42, қишлоқ хўжалигида 43 фоизини айнан аёллар ташкил этаётгани уларнинг ҳақиқатан ҳам бирор-бир соҳада ҳеч кимдан қолишмаслигини кўрсатади, дейилди табриқда.

«Ҳаётимизнинг чироғи, умримизнинг гули»

хотин-қизларга
кўрсатилаётган юксак
эҳтиром бизни фидойиликка
ундайверади



Озода ҚУШБОҚОВА,
Пахтакор туманидаги
«Инак йўли» қишлоқ
фуқаролар йиғини раиси,
туман Кенгашидаги
ЎзХДП гуруҳи аъзоси,
«Дўстлик» ордени соҳибиди

Ўзимдан қийс. Кўп йиллар деҳқончилик қилдим. Пилла боқдим. Хўжаликни бошқардим. Аммо меҳнатим қадр топмади, қосамиз оқармади. Оилам билан кичкинагина лойсувоқ уйда яшадик. Истиқлол туфайли елкамизга офтоб тегди. Фермер бўлдим. Мулкдорга айландим. Кўнгилдагидек уй-жой қурдик. Енгил машинани бўлдик. Фарзандларимизни ўқитдик. Бугун уларнинг бири фермер, бири табиркор, яна бири муаллим. Каму кўстимиз йўқ. Ҳаётдан рози бўлиб яшаймиз.

Қишлоғимиз Буюк Ипак йўли бўйида, «Катта Ўзбек тракти»нинг шундоққина чеккасида жойлашган. Ўндан ортиқ турли миллат ва элат вакилларида иборат 7855 нафар аҳоли, 1390 хонадон бор. 2 умумтаълим мактаби, касб-хунар коллежи, мактабгача таълим муассасаси ҳамда қишлоқ врачлик пункти фаолият кўрсатмоқда. Ўнлаб савдо, умумий овқатланиш ва хизмат кўрсатиш шохобчалари ишлаб турибди. Яқинда намунали лойиҳа асосида 10 уй қуриб битказилди. Уларга кўчиб кирган фуқароларнинг қувончини кўринг. Шаҳарниқадан асло қолишмайдиган қулай шароитдан бошлари осмонга етган.

Меҳнат қилган кам бўлмас экан. Ҳамқишлоқларим туман Кенгаши депутатлигига, қишлоқ фуқаролар йиғини раислигига сайлашди. Камтарона хизматларим инобатга олиниб, «Дўстлик» ордени билан тақдирландим. Айни пайтда ҳам депутат, ҳам раис сифатида ҳамқишлоқларимнинг турмуш шароитларини янада яхшилаш, қишлоғимизни бундан-да файзли, шинам, обод этишга ҳисса қўшаётганимдан хурсандман.

Яқинда ЎзХДПдан туман Кенгашига сайланган депутатлар қишлоқларда ишлаб чиқариш корхоналарини кўпайтириш ҳисобига янги иш ўринлари яратиш тўғрисидаги масалани атрофлича ўрганиб чиқдик ва у тегишга ҳисса қўшаётганимдан хурсандман. Масала туман Кенгаши сессиясига киритилди. Натижада партиямиз электорати манфаатларига дахлдор қарор қабул қилинишига эришдик.

Аёл — жамият гултожи. Шундай экан, хотин-қизларга қарата ҳамisha фидойилик, садоқат ва меҳр-муҳаббат тимсоли бўлиб қолайлик дегим келади. Биз — хотин-қизларга билдирилаётган ишонч, ҳурмат ва эътибор доим олдинга интилишга, ўз устимизда ишлашга ундайди.

Давоми. Бошланғич 1-бетда.

■ Албатта, депутат сўрови турли масалаларда бўлиши мумкин. Лекин ҳар қандай сўров муаммо атрофлича ўрганиб чиқилгандан сўнг юборилсагина кутилган самарани беради.

ЯНГИЧА ДУНЁҚАРАШ БИЛАН

ишласак, яхши натижаларга эришамиз

Бугунги кунда халқ депутатлари Самарқанд вилоят Кенгаши ҳамда туман, шаҳар Кенгашларида партиямиздан сайланган 112 нафар депутат фаолият кўрсатмоқда.

Депутатлар фаолиятининг самарадорлигини ошириш мақсадида вилоят партия кенгаши томонидан қатор ўқув машғулоти ўтказилди. Турли услубий қўлланмалар ишлаб чиқилиб, депутатларга тарқатилмоқда.

Ўтган йили партия гуруҳларининг ташаббуси билан маҳаллий Кенгашлар сессияларида 14 масала муҳокама этилиб, муҳим қарорлар қабул қилинди. Уларнинг 6 таси ЎзХДП Ҳаракат дастурида белгиланган масалалар бўлса, 8 таси партия аъзолари ва электорат манфаатларини ҳимоя қилишга қаратилган масалалардир.

Шу билан бирга, маҳаллий Кенгашларга партиямиздан сайланган депутатлар томонидан турли ташкилотларга 206 депутатлик сўрови юборилиб, уларнинг 90 фоизи ижобий ҳал қилинган. Қолганлари бўйича назорат ўрнатилди.

Албатта, депутат сўрови турли масалаларда бўлиши мумкин. Лекин ҳар қандай сўров муаммо атрофлича ўрганиб чиқилгандан сўнг юборилсагина, кутилган самарани беради. Чунки сўровда масала аниқ ва асосли қўйилган бўлади. Ҳар бир депутат, унга кўмак берадиган партия ташкилоти шунга амал қилса, депутатлик сўровининг таъсир кучи юқори бўлади.

Айтиш керакки, депутатлик сўровларининг асосий қисмини коммунал хизмат, газ, электр энергияси, пенсия

Бугун ҳаёт ўзгариб, кундан-кунга олдимизга янги талаблар қўйилмоқда. Ҳар бир инсон, айниқса, депутатлар ҳаётга янги натижа билан қараши, уни зийрак кузатиши керак.

Электорат вакиллари ўйлантириб келаётган муаммо бўлса, уни ўз ҳолига ташлаб қўймаслигимиз зарур.

таъминоти, жамоат транспорти хизматини янада яхшилаш каби масалалар ташкил этди.

Депутатлар сайловчилар билан учрашувлар жараёнида аниқланган масалаларга ҳам алоҳида эътибор қаратмоқда. Мисол учун, вилоят Кенгаши депутати Фарида Ахтамова Дарвешқў маҳалласида яшовчи фуқаро Лола Қўчибоевани қонуний тарзда ўқшга қайта тиклашда, Иштихон туман Кенгаши депутати Ақтам Рабимов фермер хўжалиги ишчиларига сўхатгоҳларга йўлланма

олиб бериш масаласида ёрдам кўрсатди. Аммо шуниси ҳам борки, депутатларимиз фаолияти барча жойда юқори самара берапти, деб айтолмаймиз.

Рақамларга эътибор қаратадиган бўлсак, депутатлик сўровлари 2014 йилга нисбатан 3 бараварга кўпайган. Лекин Булунгур, Оқдарё, Нарпай, Пахтачи, Ургут туман Кенгашларидаги партиямиз гуруҳи аъзоларининг бу борадаги ишлари замон талабига жавоб бермаяпти. Ушбу туманларда ташкилотларга атиги 2 марта депутатлик сўрови юборилган. Ваҳоланки, мазкур ҳудудларнинг ҳар бирида партиямиздан сайланган 7-10 нафар депутат бор. Бу эса жойлардаги муаммоларни бартараф этиш, партия Сайловолди дастурида белгиланган устувор вазифаларни бажаришда имкониятларимиз, салоҳиятимиз етарли эканини кўрсатади.

Бугун ҳаёт ўзгариб, кундан-кунга олдимизга янги талаблар қўйилмоқда. Ҳар бир инсон, айниқса, депутатлар ҳаётга янги натижа билан қараши, уни зийрак кузатиши керак. Қайсидир ҳудудда аҳолини ўйлантириб келаётган муаммо бўлса, уни ўз ҳолига ташлаб қўймаслигимиз зарур. Ҳозирги замонда бундай муносабат билан келишиб бўлмайди. Ҳар бир масалани кузатиб, ҳал этиш чораларини кўрган депутат эл назарига тушади, обрў-эътибор қозонади, жамиятга фойдаси тегади.

Бўрибой БЎРОНОВ,
ЎзХДП Самарқанд вилоят
кенгаши раиси ўринбосари.

ЎзХДП МАҲАЛЛИЙ КЕНГАШЛАРИДА

БИЛИМЛИ ВА ИРОДАЛИ ИНСОН ҳеч қачон адашмайди



Санжар ШОТЎЛАНОВ оlingан сурат.

Олий Мажлис Қонунчилик палатасидаги ЎзХДП фракцияси аъзоси Акмал Умаралиев бугунги глобаллашув жараёнида кимки ахборотга эгалик қилса, ўша дунёга ҳукмронлик қилади иборасининг моҳияти ҳақида фикр юритди.

Хусусан, ахборот хуружларининг ижтимоий онгни манипуляция қилиш, миллий-маънавий қадриятларни емириш, ёт қадриятларни тарғиб этиш, халқнинг тарихий хотирасини бузиш ва ўзгартириш, кибертерроризм каби турли кенг тарқалаётганини таъкидлади. Шунингдек, мамлакатимизда бундай ҳу-

ружларга қарши олиб борилаётган саъй-ҳаракатлар, қабул қилинган меъёрий-ҳуқуқий ҳужжатларнинг аҳамияти, мазмун-моҳияти хусусида тўхталиб ўтди.

Тадбирда, шунингдек, Тошкент вилоят Ички ишлар бошқармаси ҳуқуқбузарликларнинг олдини олиш бўлими масъул ходими, майор Шаҳноза Солиқова, Ўзбекистон Республикасида хизмат кўрсатган артист Тоҳир Саидов мавзу юзасидан ўз фикр-мулоҳазаларини билдирди. Таъкидландики, бугунги глобаллашув жараёнида мафкуравий хуружларга қарши кураша оладиган самарали усулларни ишлаб чиқиш, айниқса, ёшларга ақи-

Бугунги глобаллашув жараёнида мафкуравий хуружларга қарши кураша оладиган самарали усулларни ишлаб чиқиш, айниқса, ёшларга ақидапарастлик, экстремизм, терроризм каби иллатлар моҳиятини очиб бериш зарур.

дапарастлик, экстремизм, терроризм каби иллатлар моҳиятини очиб бериш зарур. Ҳариз ниятли кучларнинг мақсадини тушунтиришга йўналтирилган тадбирларни

ҳар бир маҳалла, таълим муассасасида ўтказиш лозимлиги қайд этилди.

Аҳоли орасида муносабат билдиришга, мушоафала чорловчи давра суҳбатларининг аҳамияти ҳақида фикр юритилди. Барчага намуна бўла оладиган инсонлар, Ватанимиз қаҳрамонлари, меҳнат фахрийлари, чемпионлар, таниқли шахслар билан учрашувлар яхши самара беришига эътибор қаратилди.

Тадбир давомида намойиш этилган «Тупқинлиққа тушман», «Адашган қиз қисмати» номли фильмлар юзасидан иштирокчилар ўзаро фикр алмашди.

Зилола УБАЙДУЛЛАЕВА,
«Ўзбекистон овози» муҳбири.

ЎзХДП: «ФАОЛ АЁЛЛАР» ҚАНОТИ

Соғлом она ва бола йили муносабати билан Ўзбекистон Халқ демократик партияси тизимида «Аёллар соғлиги — жамият бойлиги» мавзусида давра суҳбатлари ўтказилмоқда. Фарғона вилоятидаги партия ташкилотлари, хусусан, Данғара туман кенгаши ҳам бу масалага алоҳида эътибор қаратяпти.

«Аёллар соғлиги — жамият бойлиги»

Ушбу мавзудаги давра суҳбатларида аёллар, ёш келинлар, коллежнинг битирувчи ўқувчилари фаол иштирок этмоқда.

Аёлнинг жамиятдаги

ўрни, ёш қизларни ниқоҳга тайёрлаш, хотин-қизларнинг ижтимоий-сиёсий фаоллигини ошириш масалаларида очик баҳс-мунозаралар бўлиб ўтмоқда.

— Туман партия ташкилоти сафидаги 2509 нафар аъзонинг етмиш фоизи хотин-қизлардир, — дейди ЎзХДП Данғара туман кенгаши раиси Зиёдаҳон Ҳамралиева. — Депутатлик гуруҳининг ўн нафар аъзоларидан 5 нафари аёллар. Маълумки, аёл саломатлигини мустаҳкамлаш борасида кенг қўламли оммавий тадбирлар амалга оширилаяпти. Туманимиздаги 43 минг нафардан зиёд турли ёшдаги аёллар чуқурлаштирилган тиббий кўрикдан ўтказилган эди. Яқинда «Оқжар» қишлоқ фуқаролар йиғинида 24 нафар кам таъминланган оила аёллари, 21 нафар биринчи марта ҳомиладор бўлган ёш келинлар махсус тиббий текширувдан ўтказилди. 11 нафар аёлга даволаш-профилактика муассасаларига йўланма берилди.

— Она организми тўлиқ тикланиши учун туғуруқлар ораси 3 йилдан кам бўлмаслиги керак, — дейди туман бош акушер гинекологи Эътиборхон Мисирова. — Шунда гўдак она сутига тўйиб улғаяди, она организми эса янги ҳомилага ўзини биологик жиҳатдан тайёрлаб олади.

Тадбирлар доирасида партиянинг кўчма Жамоатчилик қабулхонаси ҳам ташкил этилиб, мурожаатлар қабул қилинмоқда.

— Қишлоғимизда мактабгача тарбия муассасаси ташкил этилди. Аммо у ерда болаларга овқат пиширишда муаммолар мавжуд. Суюлтирилган газ таъминоти мунтазам йўлга қўйилса, мақсадга мувофиқ бўларди, — дейди «Боғиш» МФЙдан Шохистахон Содикова.

— Мен агросаноат коллежи битирувчисиман. Тикувчилик йўналишида бизнес режа туздим. Эшитишимча, ЎзХДП жойларда мен каби ёшларга ўз бизнесини ташкил этишда амалий ёрдам бермоқда экан. Менга кредит олиш ва ўз устахонамни очишда кўмак керак, — дейди ЎзХДП депутатларига мурожаат қилган Дурдона Султонова.

ЎзХДП кўчма Жамоатчилик қабулхонасига тумандаги маҳаллалардан тушган 60 га яқин мурожаат бўйича депутатлар томонидан амалий ишлар бошлаб юборилди.

Давра суҳбатлари давомида, шунингдек, ижтимоий ҳаётда фаол бўлган хотин-қизлар партия сафига қабул қилиняпти. Ахмадуллоева Нигора, Акбарова Севара, Соҳибоева Ҳавохон каби қизлар шулар жумласидан.

— Мен агросаноат касб-хунар коллежидан инглиз тилидан дарс бераман, — дейди Ҳавохон Соҳибоева. — ЎзХДП Дастури билан танишгач, унинг сафига киришга қарор қилдим.

Муҳаммаджон ОБИДОВ,
«Ўзбекистон овози» муҳбири.

ИҚТИСОДИЁТИМИЗНИНГ
МУҲИМ ТАЯНЧИ

■ 2010 йилда корхонамиз 400 миллион сўмлик маҳсулот ишлаб чиқарган бўлса, бугунги кунга келиб, бу кўрсаткич 3 миллиард 200 миллион сўмга, ишловчиларимиз сони 45 дан 80 нафарга етди.

Ишлаб чиқаришни маҳаллийлаштириш

тармоқлараро саноат кооперациясини кенгайтириш, ички бозорни рақобатдош, сифатли ва импорт ўрнини босувчи маҳсулотлар билан тўлдиришнинг муҳим омилidir

Мамлакатимизда амалга ошириладиган Маҳаллийлаштириш дастури ички бозорни сифатли ва импорт ўрнини босувчи маҳсулотлар билан тўлдириш ҳамда ишлаб чиқарувчилар ўртасида кооперацион алоқаларни ривожлантиришда янги даврни бошлаб берди.

Бугунга келиб нефть ва газ соҳаси, йирик ҳамда озиқ-овқат саноати корхоналари учун ускуналар, полимер ҳамда пластмасса буюмлари, калийли ўғитлар, электр двигателлар, кабель ва симлар, спорт анжонлари, маиший техникалар, тежамкор ёриш мосламалари, қурилиш ва пардозлаш материаллари маҳаллий хомашдан тайёрланмоқда.

Тури юздан ошадиган маҳаллий маҳсулотлар фақат ички бозоримизни тўлдириб қолмасдан, ташқи бозорларга ҳам чиқарилаётган. Фақатгина 2015 йилнинг ўзига қўшимча 52 турдаги 25 миллион долларлик маҳсулотлар экспорт қилинган ҳам бунинг тасдиғидир.

Дастурга киритилган корхоналарнинг уч йилгача ягона солиқ тўлови, мулк ва фойда солиғи ҳамда божхона тўловларидан озод этилгани тadbirkorлар ва ишбилармонлар учун кенг имкониятлар эшигини очмоқда, — дейди Қарши туманидаги «Метролог» МЧЖ раҳбари Дилшод Зиятов. — Маҳаллий-

лаштириш лойиҳалари паспортларини ишлаб чиқиш ва қўриб чиқиш тизимининг автоматлаштирилгани туфайли тақдим этаётган лойиҳа ҳужжатларини тўлдиришга сарфланаётган вақтимиз тежалмоқда. Уларнинг тегишли вазирлик ва идоралар томонидан қўриб чиқиш мuddати ҳам сезиларли қискарди.

Корхонамиз 2006 йилда Дастурга юқори қўланилиши сақлагичларни ишлаб чиқариш лойиҳаси билан кирган эди, — дейди Андижон вилоятидан «Фусункор» МЧЖ директори ўринбосари Иқболбек Раҳмонов. — Ҳа ҳақда маълумот бериш мuddати ҳам сезиларли қискарди.



янги маҳсулот ишлаб чиқариш арасида турибмиз.

— Ҳа ҳақда маълумот бериш мuddати ҳам сезиларли қискарди.

кучайишига олиб келмоқда. Дастурни амалга оширишда дунёнинг етакчи хорижий компаниялари ва инвесторларини жалб этишга ҳам катта эътибор қаратилмоқда. Самарқанд вилоятидаги оғир юк машиналари ишлаб чиқарувчи «MAN» компанияси, қишлоқ ҳўжалиги техникалари ишлаб чиқарувчи «CLASS»

ва «Lemken» компаниялари, маиший техника ишлаб чиқарувчи «TOSHIBA», «Candy», «LG» ва «SAMSUNG» корхоналари билан ҳамкорлик натижасида рақобатбардор тайёр маҳсулотлар ишлаб чиқарилаётган. Бутловчи қисмлар ва материаллар ишлаб чиқаришга ихтисослашган кичик корхоналар билан йирик

корхоналарнинг ҳамкорлиги тобора кучаймоқда.

Дарвоқе, ўтган йилги Халқаро саноат ярмаркаси ва Кооперация биржасида маҳсулот етказиб бериш бўйича умумий қиймати 11,9 триллион сўмлик 13,3 минг шартнома тузилган бўлса, шундан 2,1 триллион сўмлиги импорт ўрнини босадиган маҳсулотларни ўзимизда ишлаб чиқаришни ўзлаштириш ва етказиб бериш бўйича шартномалардир. Ушбу шартномаларнинг бажарилиши эса жорий йилда иқтисодиётимизда муҳим ўрин тутадиган корхоналарнинг чет элдан маҳсулот сотиб олиши учун ишлатиладиган 637,5 миллион доллар миқдоридаги маблағни тежаб қўлиш имконини беради.

Айни пайтда Маҳаллийлаштириш дастури доирасида иш бошлайдиган корхоналар ва кичик бизнес субъектлари қўллаб-қўлловчи жойларнинг яратилишига олиб келади.

Энг асосийси, импорт ўрнини босувчи, хариддоригар маҳсулотларнинг ўзимизда ишлаб чиқарилиши натижасида мамлакатимизнинг иқтисодий қудрати янада ошади, аҳолининг турмуш фаровонлиги юксалади.

Обиддин МАХМУДОВ,
«Ўзбекистон овози» мухбири.

ЎЗГАРАЁТГАН
ДУНЁҚИЗЛАРГА
МОБИЛЬ
ТЕЛЕФОНДАН
ФОЙДАЛАНИШ

тақиқланди



Хиндистоннинг Уттар-Прадеш штатидаги қишлоқларнинг бирида 18 ёшга тўлмаган қизларга мобиль телефондан фойдаланиш тақиқланди. Бу ҳақда Hindustan Times нашри хабар қилади.

Ушбу қарорни қабул қилган раҳбариятнинг фикрича, электрон алоқа воситаси ўсиб келадиган авлоднинг ахлоқини бузади. Тақиқни бузган қизлар ва уларнинг oilаси 8 кун кўча супуришга мажбурланади.

Маҳаллий раҳбарлар қишлоқ аҳолисини спиртли ичимликларни сотиш ва истеъмол қилиш ҳам тақиқлади.

РЕКЛАМА ЎРНИДА

«АГРОБАНК» АТБ КРЕДИТЛАРИ



AGROBANK

янги иш ўринлари яратилиши, аҳоли турмуш фаровонлиги ортишига хизмат қилмоқда



Шунингдек, аҳолининг озиқ-овқатга бўлган талабини қондириш, ички бозорни мамлакатимизда ишлаб чиқарилган маҳсулотлар билан тўлдириш, қишлоқ жойларда замонавий технологиялар билан жиҳозланган илҳам корхоналарни қўллайтириш мақсадида 43 миллиард сўм миқдоридagi кредитлар ажратилиб, улар ҳисобига 405 янги иш ўрни яратилди. Йил охиригача соҳани ривожлантириш учун 308 миллиард сўм кредит йўналтирилиши кўзда тутилган.

— Бугунги тadbirkor ўзига яратиб берилган имкониятлардан тўлақонли фойдаланса, катта натижаларга эришади, — дейди «Геолог маскани» масъулияти чекланган жамияти раҳбари Анвар Елубоев. — Ўзимдан қиёс. «Агробанк»дан олган кредит ҳисобидан балиқчиликни йўлга қўйдим. Беш нафар киши иш билан таъминланди. Келажакда ишимни янада кенгайтирмоқчиман. Қўшимча тармоқлар ташкил этиб, нафақат хомашё етиштириш, балки қайта ишлаш ҳам йўлга қўямиз.

Бундан ташқари, банк томонидан рақобатбардор

Жорий йил бошидан буён «Агробанк» томонидан кичик бизнес ва хусусий тadbirkorлик субъектларига барча молиялаш манбалари ҳисобидан ажратилган кредитлар ўтган йилни шу даврига нисбатан 1,3 баробарга ошиб, 144 миллиард сўмни ташкил этди. Кредитлар ҳисобига 1 286 иш ўрни яратилди. Йил якунига қадар мазкур соҳага қўшимча 1 053 миллиард сўм кредит ажратилиши режалаштирилган.

фойдаланиш имкониятларини янада кенгайтириш мақсадида 9 миллиард сўм кредит ажратилиб, бунинг ҳисобига 85 янги иш жойлари ташкил этилди. Йил якунига қадар мазкур соҳа учун қўшимча 65 миллиард сўм кредит ажратилиши кутилмоқда.

Оилавий тadbirkorлик ва ҳўнармандчиликни қўллаб-қувватлаш мақсадида кичик бизнес субъектларининг 3 миллиард сўмлик лойиҳалари молиялаштирилди.

Натижада яратилган иш ўринлари сони 284 тадан ошди. Соҳа ривожига йил якунига қадар яна 21 миллиард сўм кредит ажратилиши режалаштирилди.

— Бугунги кунда юртимизда оилавий тadbirkorлик жадал ривожланиб бораётган муҳим йўналишлардан бири ҳисобланади, — дейди касб-билик оилавий тadbirkor Жамила Эгикова. — Бу уй шароитида қўшимча даромадга эга бўлиш, оила иқтисоди-га улуш қўшиш, энг асосийси,

юрт фаровонлигига эришишда муҳим аҳамият касб этади. Тadbirkor бўлиб бир ишнинг этагидан тутгандан сўнг масъулият янада ошар экан. «Агробанк»нинг Касби филиалдан паррандачилик ташкил этиш мақсадида 15 миллион сўм миқдорида кредит олганимдан сўнг бунинг янада чуқур ҳис қилдим. Ҳозирда мазкур маблағдан самарали фойдаланиб, ишимни ривожлантириш учун тинимсиз меҳнат қилмоқдаман. Келажакда фаолиятимни янада

кенгайтириш истагидаман. Бу борада «Агробанк» яқин кўмакчи бўлади, деб ўйлайман.

Банк томонидан аёллар тadbirkorлигини ҳар томонлама ривожлантириш, улар раҳбарлик қилаётган корхоналарни молиявий қўллаб-қувватлаш масаласига ҳам алоҳида эътибор қаратилмоқда. Натижада соҳа субъектларига ажратилган 17 миллиард сўм кредит маблағлари ҳисобига иш билан банд бўлган хотин-қизлар сафи 300 нафарга кенгайди. Йил якунига қадар мазкур йўналишга яна 116 миллиард сўм кредит ажратилди.

— Мен ҳам «Агробанк» мижозиман, — дейди яккабўғлик тadbirkor Раъно Ҳамидова. — Бизнес лойиҳамга асосан банкнинг Яккабўғ филиалдан асalarичилик ташкил этиш учун 50 миллион сўм миқдорида кредит олган эдим. Молиявий кўмак туфайли тadbirkorлигимни йўлга қўйдим. Асalarи парвариш қилишнинг нозик сир-асорларини ўргандим.

Натижада ишларим юришиб кетди. Халқимиз дастурхонига

тоза, сифатли шифобахш асал етказиб беришдай хайрли иш билан шуғулланилман. Келгусида фаолиятимиз кенгайиши натижасида ўнлаб янги иш ўринлари яратилишига ишонаман.

Шунингдек, банк томонидан касб-ҳўнар коллежлари битирувчиларига ўз ишини бошлаши учун қарийб 1,8 миллиард сўм микрокредит ажратилди. Бу кўрсаткич 2015 йилнинг шу даврига нисбатан 1,5 баробарга қўпдир. Бунинг натижасида яратилган иш ўринлари сони 104 тани ташкил этди. Мазкур ишларга йил якунига қадар қўшимча 48 миллиард сўм кредит ажратилиши кутилмоқда.

Умуман олганда, «Агробанк» АТБ иқтисодиётимизнинг ҳар бир соҳаси, айниқса, кичик бизнес ва оилавий тadbirkorлигини қўллаб-қувватлаш ва ривожлантиришга алоҳида эътибор қаратмоқда. Бир сўз билан айтганда, кўрсатиладиган сифатли банк хизмати ва ишончли ҳамкорлик мижозлар сони тобора ошиб боришига хизмат қилмоқда.

Банк матбуот хизмати.



Хизматлар лицензияланган.

БАРКАМОЛ АВЛОД ОРЗУСИ

МАЪНАВИЙ ТАРБИЯ

Пойтахтимиздаги 98-умумтаълим мактабида Ўзбекистон халқ шоири Анвар Обиджон билан учрашув бўлиб ўтди.

«Энди бу китобни жавонимнинг энг тўрида сақлайман»



Фаррух АЛИЕВ олган сурат.

Тадбирда ўқувчилар Анвар Обиджон ижодидан шеърлар ўқиди. Шоирнинг «Мешпол-вон» асарига ишланган сахна кўриниши намойиш этилди.

— Мактабда адабиётга меҳри баланд ёшлар ўқитганини кўриб хурсанд бўлдим, — дейди **Анвар Обиджон**. — Улар ўқиган шеърларни тинглаб, болалигим эсга тушди. Биз ҳозирги ёшларга ўхшаб «Ватаним, Ўзбекистоним» каби сўзларни баралла шеърга сола олмадик. Бугун эса бошқача, мушаккиллик фарзандларининг бахти ҳам шунда.

— Мактабимизда шоир ва ёзувчилар билан учрашувлар ўтказиш анъанага айланган, — дейди **мактаб директори**

Алла Сатуриян. — Бизнинг ўқувчиларимиз Анвар Обиджоннинг шеърларини севиб ўқийди. Бугунги учрашувга улар катта тайёргарлик кўрдилар. Ишончманки, сеvimли шоиримиз билан бўлган суҳбат болалар қалбига узоқ йиллар сақланиб қолади.

— Боғчадалик пайтимда дадам мен билан опамга Анвар Обиджоннинг шеърларини ёдлатган, — дейди **6-синф ўқувчиси Бобур-Мирзо Мадиев**. — Бугунги учрашувда у кишининг ўзи бизга янги шеърларидан ўқиб берди. Шоир бобога китобинга дастхат ёзириб олдим. Энди бу китобни жавонимнинг тўрида сақлайман.

Темур АБЗАМ

■ Мактабларимизда ўтказилаётган маънавий-маърифий тадбирлар ва уларда таниқли ижодкорларнинг иштирок этиши замирида жуда катта тарбия ётади.

— Болани мактабга тайёрлаш мураккаб ва узоқ муддатни талаб этадиган жараён, — дейди Самарқанд шаҳридаги 76-мактабгача таълим муассасаси мудираси Лайло Раҳматова. — Бугунги кунда ЮНИСЕФнинг «Болага йўналтирилган таълим» лойиҳасида иштирок этмоқдамиз. Унинг асосий мақсади — янги инновацион технологиялардан кенг фойдаланиш, болага индивидуал ёндашиш, уларни мушаккил фикрлашга, мулоқотга киришишга, ўз фикрини ҳимоя қилишга йўналтиришдан иборат.



«Болага йўналтирилган таълим» лойиҳаси

Муассасада ташкил этилган ўқув фаоллик марказларида ҳар бир боланинг индивидуал хусусиятлари, қизиқишлари, иқтидоридан келиб чиқиб, иш олиб борилмоқда. Ҳар бир машғулотдан олдин болаларга хоҳлаган марказни танлаш таклиф этилади. Тарбиячи эса берилган мазмуни асосида болалар билимини аниқлайди.

Ўқув фаоллик марказида табиатишуносликдан болаларга турли жонли ва жонсиз табиат ҳақида тушунча берилади. Санъат марказида эса расм чизиш нафақат қоғозда, балки қум, шиша ва тошлар устида, махсус доскаларда бўёқлар, шам, табиий материаллар ёрдамида бажарилади. Пазандчилик марказида болалар турли таомлар

тайёрлайди. Математика марказида ўйинлар асосида фикрлашга ўргатилади.

Ҳар бир йўналиш бўйича олиб борилаётган ишлар маълум бир мақсад ва мазмунга, тарбиявий аҳамиятга эга.

— Бугунги кунда муассасамизда Европа Иттифоқининг Инклюзив таълим лойиҳаси бўйича ҳам иш олиб бориляпти, — дейди **муассаса педагог-психологи Нилуфар Нуриддинова**. — Бунда алоҳида эҳтиёжи бўлган болаларни умумтаълим мактабларига тайёрлаш бўйича иш олиб борилади. Бизда тарбияланаётган 350 нафар боладан 39 нафари энгил кўринишдаги, эшитиш қобилияти паст ёки сўзлашув нутқида нуқсон бўлган болалар ҳисобланади.

Уларда ўзига бўлган ишонч ҳиссини шакллантиришга доимий эътибор қаратилади. Масалан, ҳар бир боланинг ривожланиш варақаси, анамнез маълумотлари, ҳулқ-атвори, хатти-ҳаракатлари бўйича индивидуал ишлар амалга оширилади. Муассасамиз раҳбари Лайло Раҳматова томонидан ишлаб чиқилган, «Мактабгача таълим муассасаларида инклюзив таълимни ташкил этиш» бўйича тавсиялар вилот ва республика миқёсида оммалаштирилди.

Муассасада болалар кўз гимнастикаси, тетиклаштирувчи гимнастика, сузиш, нафас олиш, яси оёқлигининг олдини олиш каби бир қатор машқлар асосида соғломлаштирилмоқда. Йил давомида

ўтказиладиган спорт мусобақалари, «Алпомиш ва Барчиной» махсус тестлари, «Соғломжон-полвонжон», «Бўш келма қизалоқ», «Кичкинтой-ширинтой», «Дадам ишда, мен ва ойим спортда» каби қизиқарли тадбирлар болаларнинг жисмонан соғлом бўлиб улғайишига хизмат қилмоқда. Муассасада ўғил болалар учун таэквандо, қизлар учун бадий гимнастика тўғрисида мавжуд.

Мамлакат миқёсида мактабгача таълим муассасаларида қўлланилаётган бундай инновацион технологиялар Соғлом она ва бола йилида амалий натижаларга эришиш имконини бермоқда.

Абдурасул САТТОРОВ,
«Ўзбекистон овози» мухбири.

ИЖТИМОЙ МУҲОФАЗА

Денов туманидаги «Қизилжар» қишлоқ фуқаролар йиғини ҳудудидаги бешта маҳаллада 15 мингдан ортиқ аҳоли истиқомат қилади. Истиқлол йилларида бу ерда ҳам ўнлаб маданий-маиший хизмат кўрсатиш, савдо шохобчалари, замонавий қишлоқ врачлик пункти қурилди.

Кўркам гузар ва футбол майдончаси

фойдаланишга топширилди, йил охиригача «Ёшлар маркази» иш бошлайди

Соғлом она ва бола йилининг иккинчи ойда эса Карим Ҳандалов номли маҳалла ҳудудида кўркам гузар ва сунъий қопламали футбол майдончаси фойдаланишга топширилди. Жонқуяр ва фидойи инсон Алишер Бойназаров ташаббуси билан бунёд этилган мажмуа қурилишига 300 миллион сўм маблағ сарфланди.

— Ташландиқ жойни обод қилганимиздан мамнунмиз, — дейди Алишер Бойназаров. — Йил охиригача икки қаватли «Ёшлар маркази» қуришни режалаштирганмиз. Лойиҳа қиймати 600 миллион сўмни ташкил қиладиган ушбу мажмуада ёшлар спортнинг бир неча тури билан шуғулланишлари мумкин бўлади. Яна бир неча хизмат кўрсатиш шохобчалари барпо қилинади. Натижада 15 иш ўрни очилади.

Абдумалик ҲАЙДАРОВ,
«Ўзбекистон овози» мухбири.

СПОРТ

Дебютантнинг дастлабки очкоси

Футбол бўйича Ўзбекистон XXV миллий чемпионати олий лига иккинчи тур учрашувлари якунланди.

Турнинг марказий учрашувларидан бири Фарғонада «Нефчи» — «Навбахор» жамоалари ўртасида бўлиб ўтди. Водий «дерби»си мақомини олган мазкур ўйинни стадионнинг ўзидан 18278 томошабин кузатиб борди. Шиддатли ва мурасасиз кечган баҳс тақдирини 20-дақиқада Шерзод Ҳақимов томонидан киритилган ягона гол ҳал қилди — 1:0.

Тошкентда ўтказилган «Обод» — «Бухоро» жамоалари учрашуви олдиндан кўпчилик меҳмонлар имкониятини юқори баҳолашганди. Аммо унда олий лига дебютанти «Обод» футболчилари рақибига муносиб қаршилик кўрсатиб, ўз ҳисобларига дастлабки очкони ёзиб қўйишди — 0:0.

Турнинг бошқа учрашувларида қуйидаги натижалар қайд қилинди: «Сўғдиёна» — «Бунёдкор» — 0:1, «Пахтакор» — «Қўқон-1912» — 4:0, «Андижон» — «Локомотив» — 1:3, «Олмалик» — «Насаф» — 1:3, «Машъал» — «Металлург» — 1:3, «Шўртан» — «Қизилқум» — 0:1.

Таквимга кўра, учинчи тур учрашувлари 31 март — 2 апрель кунлари бўлиб ўтади.



Ҳасан ПИРИМУХАММЕДОВ олган сурат.

Полвонимиз — бронза медали соҳиби!

Россияда ёшлар ўртасида эркин кураш бўйича анъанавий халқаро турнир бўлиб ўтди. Унда Ўзбекистон, Хитой, Мўғулистон, Озарбайжон, Болгария, Қозоғистон, Беларусь, Қирғизистон, Тожикистон, Греция ҳамда Тунис давлатларидан келган бир юз элликдан зиёд полвон ғолиблик учун гиламга чиқди.

Турнир якунида ҳамюртимиз Баҳодир Арслонов (96 кг) шохсупанинг учинчи поғонасидан жой олди ва бронза медали билан тақдирланди.

Эйндховендаги муваффақият

Куни кеча Голландиянинг Эйндховен шаҳрида таэквондо (WTF) бўйича ўсимлар, ёшлар ва катталар ўртасида ўтказилган G1 туркумига кирувчи халқаро турнирда ҳамюртларимиз ҳам муносиб қатнашди. Унда Ўзбекистон терма жамоаси аъзолари бир олтин, бир кумуш ва иккита бронза медалига сазовор бўлди.

Мусобақа якунида Светлана Осипова (+68 кг) олтин медаль билан тақдирланган бўлса, Дмитрий Шокин (+87 кг) финалда рақибига имкониятини бой берди. Шунингдек, Жасур Бойқўзиев (87 кг) ва Никита Рафалович (74 кг) юртимизга бронза медали билан қайтди.

Эркин ХОЛБОБО,
«Ўзбекистон овози» мухбири.

БУНЁДКОРЛИК

Маҳалланинг янги биноси

Республикаимизнинг ҳар бир шаҳар қишлоқларида бир-биридан кўркам, шинам бинолар қад кўтармоқда. Навоий шаҳридаги «Янгиариқ» МФЙ ҳам янги бинога эга бўлди.

Салкам 4300 нафарга яқин аҳоли яшайдиган маҳалла ҳудудида умумий таълим мактаби, шифохона, ҳаммом, спорт иншооти, савдо

дўконлари, маиший хизмат нуқталари фаолият кўрсатиб келади.

Ушбу замонавий кўринишдаги янги бино уч ой ичида қурилиб, фойдаланишга топширилди. Бу муҳим ижтимоий объектда 302 миллион сўмлик қурилиш-монтаж ишлари амалга оширилди.

«Туркистон-пресс»

РЕКЛАМА

AVTOSALON

«SARDOR AVTO INVEST»

ZAZ

LADA

UAZ

ZAZ Forza
Дя.: 109 л.с.
Бензин / газ

Нива Бизнес-пикап, 4X4
Дя.: 90,92 л.с. - Бензин / газ

Манзил: Тошкент ш., Ўсмон Носир кўчаси, 113-уй.
Мўлжал: Жанубий вокзал.
Телефонлар: (+998 71) 215-09-11, (+998 90) 174-26-36.
www.sardor-avto.uz

Махсуслотлар сертификатланган
Хизматлар лицензияланган.

МУАССИС:



O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: **Safar OSTONOV**

TAHRIR HAY'ATI:

Abdulla OROPOV
Hotamjon KETMONOV
Ulug'bek VAFOYEV
Rustam KAMILOV

Ulug'bek
MUSTAFOYEV
Muslihidin
MUHIDDINOV
Ochilboy RAMATOV

Saidahmad RAHIMOV
Farrux HAMROYEV
(Bosh muharrir birinchi o'rinbosari)
Tat'yana KISTANOVA
(Bosh muharrir o'rinbosari)

Qabulxona — 233-65-45

Xatlar va murojaatlar uchun — 233-12-56
E-mail: info@uzbekistonovozi.uz

MANZILIMIZ:
100000, Toshkent,
Matbuotchilar
ko'chasi, 32-uy.

Gazeta O'zbekiston Matbuot va axborot
agentligida 0006-raqam bilan
2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etildi.
Korxonada manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va
shanba kunlari chiqadi.

«O'zbekiston ovozi» materiallarini
ko'chirib bosish faqat tahririyat
ruxsati bilan amalga oshiriladi.

r — 359
17578
nuxxada
bosildi.

Nashr ko'rsatkichi — 220
t — Tijorat materiallari
O'ZA yakuni — 20.40
Topshirilgan vaqti — 23.25

Sotuvda kelishilgan narxda

Navbatchi:

Temur XUDYOBERDIEV

Sahifalovchi-dasturchilar:
Zafar BAKIROV
Behzod ABDUNAZAROV

ISSN 2010-7633



1 2 3 4 5